


澹
堂
集

四



溉堂續集卷之四

焦穫孫枝蔚人著

辛亥五言古詩

觀新人車

桃夭忽已屆良辰安可虛幾處兒與女見桃擗蹀躞行
路何喧喧云避新人車啼聲亦不聞但聞簫鼓俱焉知
二姓誰母乃是崔盧富貴婚姻蚤樂哉爲舅姑壻下合
歡樹堂中百子圖今夕蚤蚤蘊明年鳳將雛向平最安
貧于此定不如所思在五嶽引領恒長吁

吳野人曰氣古致
開闕更不可及

余生生示所作悲哉行長篇感賦三首題其後

羣盜昔縱橫全蜀更可哀白骨高于山宮闕蕩爲灰勳

臣有令裔

肅敏公勳著西陲其先世也

脫身走蒿萊六喪猶未舉夜

坐憂思催桑海成轉瞬決計早歸來兇賊汝何心禍及

地下骸

生生詩自敘曾祖妣丘封一品夫

人勞棺刼物者同邑兇人費祿也質衣營窀穸

倉卒願易乖報仇計未遂持刀心徘徊祖爲王與謝孫
爲憲與回但不辱先人亦可免悲摧

旣得定襄郡便上雁門塚歸逢父老驚詔荷朝廷寵書
生有遭遇此事難相踵豈無避世人松楸勤培擁龐公
渡沔水蓋不因耕墾時節屆寒食掃墓情所重入門見
德操歡然忘揖拱高風我所仰歸鄉苦不勇余生更可
憐徒然淚如涌

七哀不足哀四愁不足愁聽汝歌悲哉使我淚長流男
兒遭亂世誰能免遠遊冢非鄭大夫誰能免羣偷借問
嵩邨間陵寢今存不蘭亭樹冬青義士實難求忠孝無
殊致請以勸千秋

吳野人曰更勝前二作

端陽前一日嚴顥亭都諫招飲江都寓宅

同集者爲予鄉

王築夫寧都魏冰叔泰州鄧孝威錢塘章洪上孫嘉客吳江浦潛夫計甫草董方南歙縣程穆倩休寧汪舟次居停主人雲南朱雲卿

門戶已懸艾風俗共浴蘭得預文字飲何必兒女歡嚴
公在廊廟望同星斗看兄弟四方人相見豈不難愛客
逢北海論文比建安賤子早酩酊翻嗔酒杯寬流光老
易惜髣髴今已殘焉知千秋事且免獨醒嘆

蕪城非復昔竹西但聞歌朝中有諫議江上息兵戈有
勸須有酬愛德心匪他主人笑謝客哀樂何其多樞發
紅似火酒傾綠如波此身非歐回此地異汨羅相逢不
痛飲當如令節何

爲李若金題礪園種竹圖

鱗亦不可攀髯亦不可攀將身伴泉石所得但清閒愛
此化龍竹節堅氣不孱有孫號龍孫無斑類湘斑他日
庭戶側風雲成往還竊恐感壯懷容易凋朱顏吁嗟天
下士長貧肉食艱畫師豈老可置汝東坡間

壽宋份臣時將應聘北上

十丈華山蓮九節廬山蒲愛其馨香異將以遺彼姝弓

旌已在門良馬復安車笑謝采藥翁身當入京都不見
陶貞白慨然念頭顱富貴與神仙相較定何如

吳野人曰風義
婉厚不愧古人

述憂

家貧防老年田旱逢秋日運數苟難逃但冀免其一皓
首尚依人干請何時畢山城少豐歲此行計最失客雖
非農夫飽食農家物多憂夜不寐汝輩如同室

喜雨呈趙玉圃明府

時趙步禱十
有五日而得

甘霖潤四野歡聲騰百室禾如嬰得乳租稅豈難畢故
人久勞瘁賓客方蕭瑟來朝開酒禁早覺憂愁失區區
曹法師賣雨誇奇術一誠可回天吾道本平實私喜竊

不免鬢間黑絲出河流斷復通歸期已可必

爲郝羽吉題小像

有序

戴葭湄爲郝羽吉畫小像置身千仞岡上蓋取太冲句也方爾止吳賓賢王幼華各題詩其上羽吉將之蕪陰時畱此圖索予題諱名所獨予每臨左詠輒增躊躇因而閣筆三年餘矣辛亥秋始與郝重相聚江都責及宿逋旣不可卷還前畫不得已因其歸來却更爲遠望當歸圖賦成與之

郝生三年前告我將遠遊高堂闕甘旨董頰曾有求臨行手一軸畫者顧虎頭久不對君面時復懸此圖君旣不速歸我又被飢驅顏色惟夢寐見畫亦無繇何意重

連袂同歸在今秋索我圖中詩責我懶難瘳懶性加良
友豈不成大尤雖老敢蹈此欲題重躋厨古人文字閒
往往避觸喉辭郎不登岳我師呂與劉

呂希純以父名著辭著作郎劉

溫叟父名岳終身不遊嵩華

畫師意自佳比君左思儔知君無如我

陟屺定懷憂今日堂上人盼歸免凝眸却看畫圖上指
點嗟未休長如狄梁公望雲登高丘題罷還君像獨坐
思悠悠

吳野人曰大文章須看其用筆閒處

歸來

仕進非所樂困乏竊自傷適遠無寒暑歸來仍空囊處
士不必賢虛名滿四方依倚諸有位不如爲農商我今
何異彼奔走日皇皇在世復幾時髮禿面容黃因懷魏

雲夫生遭宋運昌居不煩及人遊不出其鄉高節誠堪
仰家故饒衣糧陶然心無累年齒宜永長敢云命不猶
但愧憂難忘

宵聞隣舍啼晝聞街巷哭我亦悼次女易損愁雙目水
旱兼癘疫此邦禍太酷修德庶可恃敢不勸骨肉醫無
哲與愚來往車相續簡文論雖佳爾輩意自足治生吾
不如道旁起大屋遣兒將往學人費恐難贖憂貧定無
益且可勤誦讀

目病示諸兒

藝當繇已立名乃自人成幼壯日無多衰耗倏堪矜福
相况難得耳聰目更明我年過不惑百邪早相乘左目

如杜顗腦脂融未凝右目今復病掩卷每傷情讀書置
上直誰敢誤伺更士庶身最賤幸不爲白丁常恐從茲
往遂同左丘盲旁讀須倩兒事貴豫自營勸兒勤記覽
兒心能不驚自愛兼愛親兒忍負雙睛

畱別季希韓暨令姪端木

不入延令郭蠟梅四度黃久別既可念况我日老蒼自
從被飢驅年年在遠方兄弟豈不多君家最難忘苗裔
出三桓望同魯諸臧才若大宛馬何爲尚悲鳴矯矯賢
侍御

謂滄葦先生
希韓從兄

雖已顯廟廊取人用科目誰知子弟

良所以杜牧之發憤因三郎上書高大夫世族論之詳
我欲告執政又念身久藏不聞山中樵代人擇棟梁爲

君叔及姪旁觀但不平冬煖樹猶綠齋淨花偏香對此
好風景且共寬愁腸何以悅我鼻水沉勝都梁何以潤
我喉新茗似頭綱知我久止酒老至學柴桑意氣盛一
門我豈有文章偶然論今古討深復攻強初或色怒赧
嬉笑旋如常姪乃哂其叔不癡未免狂此樂那易得暫
默神已傷明日須辭去妻子待餽糧困乏實自取相愛
增徬徨他時再聚首故人或飛揚願看展齒折勝舉竹
林觴

輓凌壽吾

久爲異鄉人親舊苦天各每當送人歸懷抱輒作惡別
卽掩衡門不忍上樓閣今日況送君蒿里忽先作但聞

輓歌哀祇見愁雲漠去者已無知存者長寂寞魏武英
雄人不忘橋公謔雞酒亦何用腹痛肯相虐此但念平
生戲笑成歡樂嗚呼君逝矣意氣更誰託回首華堂上
燭光猶如昨

舟中有懷郝羽吉四十初度賦寄

歲暮遠依人船頭雪片大所思隔異縣四十今朝過墮
地貴是男鄉風重慶賀遙想華筵開親朋正盈坐古人
強仕時多君能高卧車馬帶傾覆吾曹久看破南陔束
哲詩文選杜甫課努力愛汝身與之成唱和何時歸相
聚餘年共婆婆封書附鯉魚引領情無那

辛亥七言古詩

貞燕行爲趙母劉孺人賦

有序

涇陽舉人趙九成字伯韶妻劉氏吾邑中丞曰俊之女也年二十五伯韶死剪髮內樁中日夜號慟不欲生以舅姑在堂遺孤濬九歲勉復進食守節三十餘年有燕巢于室失偶孤棲累年不易人謂貞節所感稱爲瑞燕事載陝西通志濬字元深來遊廣陵索予爲詩

燕初來雙雙鳴我文杏梁孝廉堆書過萬卷長恨啣泥污縹緲燕再來一隻已遭鷺鳥傷伯鸞久矣傍要離嵇紹此時類嵇康燕不去歲歲單棲盧氏堂天翁有意表貞節微禽亦解學爲孀爲孀乃是中丞女昔適孝廉纔

十五上堂問舅姑入厨備修脯坐中親戚誰不嘆貴家
小年能如許夫或浣厠媿妻常理筐篋侶隨到十年家
事無不舉只言並蒂好豈料斷腸苦鄭女聞鷄鳴賈生
遭鵬侮此時同心人不難從地下白頭暨黃口相視涕
如雨煎髮納棺中作事驚隣姥食蓼豈知辛隙駒去難
數舊巢孤燕爾何爲情深亦恥歸他所君不見董家雞
當日公然哺乳狗乃知生祥復下瑞不過節孝所自取

吳野人曰古韻悲涼如篋
簾夜奏聞者淚下不禁

登赤城山

遙望山頭有萬家石苔看作魚鱗瓦妄生嗟嘆費徘徊
結茅願與稱隣社樵人笑客目光短非村非郭居者寡

如斯形狀真奇特乃知名下無虛假下巖地勢稍寬平
無數松竹遶蘭若佛坐石龕虎久去鼠墮松梢僧不打
却尋鳥路更探奇及到上巖見四野山下曾無種韭人
井邊還憶洗腸者久旱時逢七月初坐觀霞起淚如瀉
不信茅君司玉京

玉京洞塑茅真人像

泉竭石焦龍不下

徐幼長六十索予作歌

徐家堂上客紛紛如鄭驛久看意氣豪焉知歲月積我
初識面時美人常在席月夜復花朝一斗還一石中間
契濶屢經年近日相逢亦偶然酒味誰家如白墮酒徒
何人繼七賢此事久難到我耳此情長想拍君肩未必
洪厓安期輩聲名定勝飲中仙君今忽已稱耆艾我亦

年登知命外試聽重奏陸機歌清酒漿炙奈樂何但使
兒賢家更豐不須四牡入紫宮

米客行

飢人啼滿路米客笑入市貪癡却怨稻船多齊趁價高
來不止竹窗向午雨聲聞天意應憐步禱勤市中若有

龍昌喬愁汝驚看一朵雲

徐鉉稽神錄龍昌喬有米數千斛糴既而米價稍賤昌喬

乃爲文禱神祈更一月不雨祠訖還至路憩亭中俄有黑雲一朵自廟後出頃之雷雨大至昌喬震死於亭外

辛亥五言律詩

題馬圖求孝廉聽山堂圖

訪舊東湖曲身曾上釣船不知行畫裏忽已到門前籬

短水纔退

去年大水

樹多春最先聞君初得意荒徑只依然

春韭

家涵中席上分賦二首

淮南連夜雨韭味最鮮新入市看童子登盤爲故人慚
無杜陵句久類庾郎貧老圃終難學飄零春復春

蛤蜊

蛤蜊西北少飽食減鄉心嫩韭盤同美香醪盞易深泥

沙知遠害饕餮敢忘箴多謝主人意防予渴病侵

本草蛤蜊

止消渴

凌蔚侯書齋紅梅已謝作詩惜之索予次韻

頰頰人難得返魂香最稀從今看綠葉只自學青衣詩
恐長吟倦賓多不醉歸徐熙新樣好買絹更開扉

重遊吳門過定光寺喜與德葦上人相見留寓精